

處
實
堂
集

處實堂集卷之一

長洲張鳳翼伯起撰

賦

感遺賦 并序

王大父敦義篤祜雅好博古搜璫彙秘遺我王父王父恢弘令緒加精益奇匪曰喪志寔庸寓意繪圖紀感遺我後人崇姬宗器護詎長物襲珎應圖隨保興懷不能無感王父之感作感遺賦辭曰

惟弓正之締構兮備烏號以控弦暨中軍之司馬兮承軍事於范宣逮遐覽之博望兮及博物之茂先余夫父之繩

武芳羅羣羞以銘躬豈貴物以飾喜芳惟古道之攸珍迨
明明以翼子芳亦燦燦以貽孫余王父之克承芳臻前良
於後展勤播獲於罔替芳恢堂構以維新懋孝友之世規
芳矧詩書之既敦安服玩於孔覬閱裙書於羊欣爾其閑
暇逍遙優游容與席設半月屏張大理箔垂蝦鬚塵拂塵
尾書輟右軍帙掩左史雜還交集頒斌咸戾開綵繪之陸
離展珍圖之奇詭設夏鼎之魁異陳商彝之周簋爵羅雲
雷壺備山龍琥紋垂磬花乳懸鐘考獻酬於杜舉識揚觴
於平公象持刀于乙占信差嶠之克恭賞海鑑於莆筍別
寶盃於虬熊罍相輝匝奩角雄鍍斗競色鬲盃還容微

則貨布巨則表座或爲弩機或飾輿轅鏐鐐其相朱翠迭
互若乃魯璠荆璆晉棘楚珩獲其方寸足稱連城茨室錯
華青丘發英或交甫之遺珮或恭王之埋璧不因瑕以掩
瑜豈以玉而混石又有西域瑪瑙大秦琉璃南海玳瑁天
竺車渠陰山文具合浦明珠理雖忌於多取名則具於少
貴借滄溟之半勺採太行之一簣聊以庸乎適情詎曰因
而喪志邀嘉賓以偕鑒感前修而神契存興廢于目中付
失得于度外或旣去而再來或已離而重會或君子之比
德或達人之寓意旣永思於橋梓亦增輝于棠棣嗟天命
之不純兮罹哲人之云萎痛父死之謂何兮襲羣芳於靡

視慚青細之雲仍兮攀白楊以雪涕黃鶴一去兮不返仙
槎八月兮何濟雖兄弟之旣翁嗟典刑之焉賴興或感乎
望雲心有惕乎踐石風已寧而無伎月一方兮在水若乃
中庭霽日簷際開雲屏我筆硯息我典墳出諸襲燬虔若
繽紛賞心兮痛偕寓目兮泗均樂玩兮惟舊手澤兮常新
雖五鼎其可期將繼養乎無因抑二簋之可享兮神杳渺
其無徵非雨露之旣濡兮亦休惕其不寧匪霜露之旣降
兮亦淒惻其罔申噫嘻吁永懷予親豈以物存緣物觸懷
予思靡殷物有成毀予感罔極永言孝思孝思維則

感遇賦

朝步江臯海日湧金長風鳴濤秋氣慄慄汀蘆蕭騷追疇
昔之三獻嗟吾生之二毛於是撫景感遇慷慨支髮緬懷
徃哲含酸銷骨爾廼伍胥離楚流離奔吳吹笛行市色瘁
容枯渺故國之桑梓遲江南之雄圖墮心飛雲枝血啼烏
若乃洛陽蘇季返燕顙額金盡途窮貂裘隕淚耻一布之
不貸臨易水以長喟至如范叔被讒摺脅折齒身辱形穢
忍痛佯死匍匐登車倥偬投止若夫陳侯懼誅封印東歸
目斷修武蒐驚解衣悵奇計之未售閔長貧而心違以至
賈傅見疎竢罪長沙湘潭沈日巫峽流霞惆遠志之莫酬
亟三閭而興嗟是皆遘蹇運而踟躕丁末路以馳驅憤遷

臣之狼疾抱孽子之狐疑何生平之不辰今與古其弗殊
肆岐路之慟哭阻前修之亨衢效正平之懷刺慕終童之
棄繻何天路之峻絕憑雲達其縈紆奄就羈以服役羌觸
藩其多虞粲登樓以興懷叔哀系以名章世按劍乎無因
悼絲桐之虛張梵進退其維谷信出入之未臧知怨尤之
非訓亦重惑夫彼蒼或均才而異值或德醜而殊食或宜
速而獨淹或當豐而永嗇或偕升而返下或同川而偏溺
何紛錯兮不齊竟杳茫其莫測若夫命與才令功倚時隆
振音鳴鶴翻翼游龍何焚舟之怵怵胡擊楫之忡忡止無
待於卜居行無勞乎問相快妙歲之邀舉擅壯年之傑望

庸詎知其委蛇於黃金之堂逍遙於青雲之上悲乎哉失
得靡常俯仰異狀豈天命之果純抑權衡之允當心絀結
其不舒窘傍徨而奚向已矣乎哉和西邁兮孰揮戈世變
反復兮桑田波功業不建兮將奈何

清舞賦

暢幽懷以良邁集城隅之桂堂瞻景物之澄霽娛宴曲以
徜徉飛羽觴以候月徵清舞於楚粧謝綵竹之繁響出明
迥之瑤英紆羅縠以騁妍垂金縷之飄縈吐微音以按節
蕭修袖以雙迎爾乃張翕合機長短中度俯仰應規低昂
協序始差池以燕翻終連軒而鳳舉旣遷延而如疑又宛

轉而生態欲進不前將來復去颯還颯風雍容凝露指會
飛蛾臨岐揚絮步芳褥而若空縱輕軀而如赴覆玉掌之
盈盈流橫波之渺渺燭朱顏以向宵颺燁葩於清曉眉嬋
娟以珠顰髻嗟峨而煙抱弱靨屢盤柔骨迅繞窮麗極妍
不可悉道旣魂搖而目眩恍不知其所爲俄微笑以歛容
忽月轉而星馳詎天工之毓巧匪人謀之與斯悵奇觀之
難再重追往於茲時邁陽阿以絕塵豈巴渝之可伍俾邯
鄲之步失何淮南之足顧使廣場之張樂於清舞其孰與
嗟人情之尚靡持孤論其誰語

苦政賦

并序

張武府關中人也向予言關中無蚊至是極苦蚊明日予
過友人假山留宿山多草木蚊聚焉夜擾擾不得寐如張
言因惟夫蚊之厲人在呼吸而人之報蚊者至於糜爛其
身何蚊之自隕而不悟也就枕上作苦蚊賦云

夫物有微而能害者蚊而已若其芒軀穎喙忽聚倏散夕
露朝隱避明向暗饑貪婪而巧啄飽膏血而罔厭匪蜥蜴
之求雨若蠻觸之交戰蜘蛛虞羅而網漏鮫綃墨守而隙
乘枕不圓而自警被欲蒙而先登融帳設而莫禦香扇撲
而不懲烈女屠而露筋孝子懼而斂手雖齊桓而見吸何
孫謙之獨宥或翦翦而南來或翹翹而東關在中山且當

涕泣而聞樂胡曼倩乃能從容而射覆匪頭蟲之可刺類
青蠅之當訴慚蚍蜉之悔過豈螻蟻之足救爾胡不隨腐
草而化螢兮流微光而燭宵又胡不寡嗜慾而爲蟬兮發
清聲而凌颼胡不轉丸而稱智兮徒負山而見嘲胡不托
稷而免藝兮乃觸煙而疾逃豈眉睫之能容兮與焦螟而
爲巢何蛎之不善變兮遇丹鳥而爲肴如鬼如賊若蝗若
賊媿忠質之令名成齧民之凶德既不朝生而暮死寧顧
向晦而宴息願清商之一來掃囂氛於頃刻庶支枕以徜徉
蠲通宵之反側

端溪硯賦

厥產惟端厥質惟貞如玉之潤發金之聲值彼大匠攻而
成形就封卽墨爲刺管城氣吐雲而立山池起鯢而作溟
守老之黑以爲之谷尚楊之玄以游其庭點易筠窻而滴
露朝白校書天閣而然藜夜青豈因人而利鈍抑順化以
虛盈惟不磷願學乎孔子庶永年竊比於老彭

五言古詩

雜興十二首

仲蔚草蒲除翟公門張羅停雲徒爾思鳴鳥奈我何故人
日以遠尚友差婆娑朝披絕交書夜誦扣角歌庭際華陽
鶴池頭右軍鷺上下千載間所得良已多

容容多後福脛脛未必全龔生八十餘未免天天年桐江
豈無涯終南亦有籛簞瓢果可樂不遠負郭田大則垂天
鵬小者抱葉蟬大小何不倫各欲全其天

四皓隱乃出二疏仕亦歸出處各有宜期與心不違我有
綠綺琴山水盈金徽絃絕不再彈無乃知音稀死灰何必
然亦以杜德機

折檻願請劍扣階將碎頭自矜能彊諫可與龍比侔身竊
直言名君蒙拒諫羞何如諷而懇梁公與鄴侯納牖啓宸
聰遇巷通嘉謀功成善歸君令軌垂千秋

近水不禁漁傍山任採樵所利在山水不嫌遠市朝進不

列鷓鷯退乃爲鷓鷯世情慕芬華達士崇逍遙醉擊漸離
筑狂吹伍員簫絕響不待終還恐贖者嘲

朝持一片氣夜抱千古愁支枕不成寐看劒燈獨籌除兇
竟落落雪耻良悠悠狐媚未能去狼疾何時瘳膏肓據二
豎心脅聚百憂空懷博浪鎚無能報韓讎遙遙仰吾宗矯
矯其留侯

楊子泣素綵阮籍悲路岐東西從所適黑白任爾爲朝爲
梁上塵暮作井底泥隨風自上下勿論高與卑

名爲公車召實乘私車來且無長安米敢望燕王臺息則
臥土窟作乃餐飛埃北門竟獨出東閣無時閒歸來坐池

館偃仰惟所裁刪竹鉤陳根植花誅草萊梁燕返故巢輕
雲駐庭槐往事何營營搔首徒自哀

揖讓自美談胡爲洗其耳上士逃空名奚使人知子唐堯
慎明試天位非徒爾豈惟曰循名重器乃輕安固知古寓
言未足徵信史

折腰良足苦五斗亦易捐所以陶徵士自理山中田緩急
苟扣門乞貸胡不然嗟彼後來人誰能窺其詮潼關逸虜
騎萬戶生野煙秋槐落空宮凝碧奏管絃豈無擊賊笏乃
使雷子先當時垂首者孰與屢乞賢

葛洪求丹砂願作勾嶺令欲從物外遊未免人間政何如

遠百情空堂習清淨有髮亦逃禪無酒還中聖不待九還
丹亦却三尸病御風或振衣冷然適吾性

夜夢在京華晨炊戒行李驅車欲出郭計程視移晷僕夫
促登道且別居亭主千里首南征畏途從此始忽驚驟雨
聲乃知臥吳市攬衣起彷徨私心自歡喜

感知十二首

郡守豐城范公

髫年事佔俾孟浪成章句初從冀北羣方媿邯鄲步較藝
屬范公搜文賜一顧落落羣品題嗟嗟漢南樹

侍御蘄州馮公

扶病之荆谿馮公適較士匍匐入棘院爲文不盈紙幸焉
遭賞識許與良獨侈瞻彼臥雲樓聲希綠琴裏

刺史莆田林公

林公八閩英來作三吳守簡拔羅才俊品題出牝牡駑駘
蒙見收名字叨廬後黯然別江濱十年一回首

督學江山趙公

趙公持文衡選士來吳下青錢我何有朱衣獨相借奎壁
迴光輝蓬蒿重聲價三復素餐詩酬知悵良夜

祭酒新昌潘公

負笈鳳城遊塞裳事都養未下仲舒幃先登馬融帳六館

豈乏才一顧青雲上廿載轉低回何顏謝無狀

司業雲間陸公

低昂天下文世稱雲間陸披拂成春風吹噓起枯木國士
遭見知中行期獨復一水望華亭無緣出幽谷

京兆光州喻公

憶昨客留都風塵黑貂弊羞將棄繻心還向關門吏京兆
獨憐才接引瑤篇示勞苦復諄諄青雲當自致

司成天台秦公

秦公昔什褐天人雄獨對敷教臨辟雍橋門走時輩春風
來風人聲價龍門倍十年聊復爾慚虛對菲采

中允閩江陳公

陳公宰相才生毓瀛洲秀萬言對大廷羣雄出其後典教
貳成均萋菲叨庇覆痛哉讀禮餘不爲彼蒼祐

太常琴川瞿公

琴川一水近高山勞仰止辟雍承清問慚爲郡中子兩則
寧寡儔再試先多士悲哉琴云亡愁隨笛聲起

諭德四明汪公

致身苦不早六戰慚宿昔一行際汪公泥途擬脫迹照耀
匪隋珠網羅續秦璧不飛復不鳴雌伏今誰惜

儀部茶陵劉公

學易二十年明經猶蠡測片長何足采慚爲巨工識候謬
戒諄諄敦行須努力德音猶在耳佩服永矜式

園居

雨餘日暉暉春畦藥苗長蒼苔鎖三徑空堂絕塵鞅游鱗
忘江湖飛鳥歸林莽羣物欣有托達觀在俛仰

湖上書懷三首

慷慨憶往昔流浪愧吾生巖棲惟所適而無求今名山中
息心倚許我物外盟懸蘿罨虛幕藜菊開前楹探贖獵其
微悠然會至精古道貴玄晤萬事何營營

人生非鹿豕吾志在遠遊一行不如意三載歸蓬丘悠然

卷之二
二
滄波間眷彼湖上樓青天萬餘里心遠地亦幽靈芝隱豐
草日暮光欲浮返鑑照娥眉空成効顰羞人生各快意勿
問東陵侯

昔聞魯連義慨然欲效之倚樹發清響痛此白日移長虹
千餘尺舉首一揚眉抱玉歌南山豈不念及時時去不再
得中路多嶮巇卷跡囂塵表混濁何所爲日夕枕清流晨
采菌桂枝吉士重清修毋爲時命欺

古意二首

笑彼荆山人抱璞傷不辰荆足奚足傷所傷璞沈淪旣爲
蒼山輝安用清廟陳不獲連城價燕碣吾自珍

豈必九方臯能辨玄與黃
驚駘自應蹶敢云蹄有霜
識途不足收放之歸山陽
何年試嶮巖千里觀騰驤

再別袁振伯

憶昔餞君時春風綠楊道
今日與君別秋風吹瑤草
脉脉重緘書相思令人老

送袁魯望會試

朔風吹郊原寒鳥歸空村
悵余同懷子歲杪去故園
落日祖江渚濁酒盈我尊
鴻鵠事遠舉離羣復何論
相知貴知心送子以無言

下第與葉處元暨叔貽方舟南還

仲冬戒北征季春事南歸春色從南來未與心賞違小第
白雪歌良友黃金微柳堤草微綠網罟魚已肥烹魚酌春
酒安知是與非黃鵠須遐舉白鷗自忘機回首辭君門開
顏詣慈幃珪組不吾與吾從老萊衣

途次遇潘端學徐士彰二同年對飲漫作

朝爲候榜人幕作刺船兒路逢同門友戚戚傷數奇斗酒
相勞苦行道何遲遲人生寄一世胡乃自苦爲臨流濯長
纓勿爲達者嗤

至京口遇周山人

昔待金馬門今向金山渡衝波畏江風喜見金山樹行役

嗟故人江臯忽相遇勞苦如平生殷勤不忍去進食哀主
孫加餐慰岐路兼之盃尊酒酣呼寫心素昨從淮陰過惡
少喚鍛羽曰余非蛟龍曷不逢雲雨晏子未脫駭越父寧
辭忤不信平津侯誰問匡衡疏憐君無世情青眼能相顧
我輩豈腐儒安能老章句有日乘長風會見披煙霧仰天
歌此曲勿謂狂人語

題姚國瑞存杏堂

朝讀柏舟篇夜誦關雎詩古道久不作而毋貞且慈青春
喪厥天白首撫其兒種杏庭中央閱歲端在茲傷我未亡
人芬芳寧所期欣言碩果留紹彼孫謀貽華實竟有待冰

藥終不移花開照軒楹實結復纍纍一食母尚康再食兒
亦怡三食母不存攀條興傷悲人亡樹獨存撫樹慰爾思
昔爲芳菲質今作歲寒姿德澤培靈根蔓延鬱孫枝欣言
曲江徑走馬春風時試觀彤管編當與絲綸輝

殷開美念予不復赴公車召也贈以織錦詩感而答
此言成斷金意在倚玉云爾

東城有婺婦東鄉有室女相望一水遙相期弄機杼光輝
采七襄縱橫幾萬縷無論工與拙辛勤歷寒暑或成錦江
綺或作練川紵未忍輕剪裁所期售良賈時方尚空穀投
之俱莫顧女亦暫卷懷婦甘守貧窶彼此不同居往來互

相許娶婦已吞聲女獨向婦語爾數一何奇爾身欲何處
婦笑荅女問吾行乃異汝吾擲天女袂赭衣習春杵不願
筐盈絲惟祈豐足黍黍歉兼採薇飽腹迨兒女攬鏡彫朱
顏何能作眉嫵爾年雖愆期行須金屋貯容華猶勝人兼
之工織組瓜期相將及三星且在戶孟光應事梁齊姜終
歸魯蠶桑供黼黻烹調佐尊俎入宮自盈盈幸毋嘲踽踽

養蠶曲

曉露沾我襦採桑過南陌葉少不盈筐蠶饑妾行迫蠶眠
妾不眠絲成供夜織勞苦有如此方能成匹帛奈何衣帛
人剪裁不復惜

贈吳道人

客從東海來言持羨門術負笈出青山揮戈挽紅日我亦
夢游人憐君物外身何當脫蟬骨相期同采真

述懷四首

卞璧蒙刑足燕珉爲國珍太行不可步中道多荆榛衣褐
慚委輅披裘仍采薪孝友亦爲政良規著君陳

賤貧人所惡善養良足多驚魂脫殷網戢翻辭虞羅彈冠
疇不榮褰裳懼餘波小人自有母舍此將如何

蔡澤不知壽陳平豈長貧丈夫窮益堅所珍在立身游鱗
潛素沼反舌鳴青春升沈一達觀安能汨吾真

呵凍勤著述匪云用厥愚晨夕對古人筆研聊自娛窮途
笑阮籍岐路嘻楊朱腐鼠即可餐無勞嚇鵝雛

送薛士立州守

寄息唯一枝超舉或千里雖均鴻鵠志遐邇自殊止背羽
淹鄙人虛翮邁吾子交非形骸隔別自升沈始釋褐度三
命雄城統明理州役甫惠和慈艱動哀毀滌舟戒陽侯攀
車走蓬累素秋經三易青春肅行李煌煌指閭闔朔塗蕩
如砥汀柳拂金絲江梅吐瓊蕊分袂歌驪駒飲餞侈甘旨
離索胡足歎所期在高軌驚棲孰匪桐松移詎爲枳操刀
亦可割運斤矧如是攄欸贈片言蜚聲祝千祀

風雨枕上作

去年下青徐每懼風浪惡今年枕席上驚魂時復作不愁
舟顛危祇傷花零落乃知波濤中不若臥林壑

依隱亭爲貞吉宗侯賦

東平樂爲善東阿酬親友王孫滄洲適芳標婉先後興干
箕簞逸歌同淇澳久象賢述箕裘儼然在左右城隅結構
新架上縹緗舊豈惟二妙游亦與七賢偶奇材挺豫章潛
光射牛斗退耕慙薄游無因一執手

夢君典

五夜夢君典向我論契闊脩然仍野服似與世慮絕握手

步臨頓耳語若喋喋忽焉指顧間雙亭二井列一井幕不
收一井不食滌行道疇爲惻寒泉胡能啜念之貴賤殊行
藏稍同節氣味遙相感應與竟夢接朝來啓篋笥檢取舊
書札久要或不忘爲君掃塵榻

元旦大雪與從兄成甫仲弟幼于集家園聽鄒山人
彈琴

履端啓令節飛霰散初澤雖非梁王園而有鄒陽客援琴
歌白雪酌酒酣茲夕玉樹漫相輝連枝自歡適

烈媛賓仙詩

并序

烈媛諱燾貞爲宗伯王公仲文幼許字徐未行喪厥天

盟心不貳得道辟穀於庚辰之重九日立而尸解觀者
萬人多來傳說爲作此詩

閨閔誕離媛閨閣旒坤柔髫年納徐采未行罹內憂惟時
從父宦先知胞神謀輦下鼎貴窟高門爭好述明倫挺筠
節矢志邁柏舟潔身葆白賁齋心肅玄修無何返桑梓辟
穀局朱樓朝經誦蓮貝夕課理眇周蒼昊監苦行接引歸
瀛洲絳節恍上下青鳥匪沈浮百靈爲啓途五服徒攀留
諄諄開顓蒙言言闢微幽良時邁九日一舉成千秋麻姑
不獨處弄玉寧寡儔雲填傾城邑波湧夷田疇寶香爇
皐鞞燭燒吐清遂令落帽事不得擅前休骨像傳綵筆神

氣邀丹丘嘉名彤史紀殊跡郡乘收奇秘聳觀聽所珍在
貞猷

奉答王廷尉兼呈少宗伯

子晉但奇舉方平不偶棲何如餐霞侶方駕凌丹梯松柏
雖殊根孤標歲寒齊抽簪謝玉階脫屣視金閨善閑本無
鍵迴瀾不待隄豈無子牟戀所珍憂天倪媿予塵塲蹤坐
令音息睽忽焉青鳥報寵以絲筆題開緘再三復恍若蒙
刀圭詎須詠枯櫟已見示筌蹄青蓮種烈焰黃金出沙泥
舞柘狎泥蛇擅場慙木雞感茲接引意能無望雲霓登堂
眷垂白統膝憐孩提願言畢婚嫁懼迫扶光西噓吸延頽

齡祈免前路迷叅扣期不遐庶幾慰攀躋

乏米適客送酒感而作詩

皇皇急三飡
罄罄過數口
生平懶折腰
安得贏五斗
鷦鷯須一粒
負郭無半畝
千鍾自豪華
萬石緣謹厚
代耕豈無術
干祿我何有
貧賤已如此
衣食徒奔走
負米亦供親
交責皆由婦
勿羨何曾錢
且酌淵明酒

庚辰除夕引長兒星次兒宿侍老母夜酌

冉冉冰雪消
歲適青陽逼
不歡年歲加
獨喜慈顏適
舉觴稱萬年
跳地憐雙壁
扣齒祈彼蒼
常願若今夕

贈徐長吉

偉長起北海穉子儀南州芳聲重一時令軌垂千秋遶遶
作祖武曄曄貽孫謀之子聞流風企慕若好逑悅禮敦詩
書內典兼冥搜胡機弗可鏡何深不能鉤探珠辯魚目集
腋成狐裘賞心陟小山愛此叢桂稠豈無園林好所志在
遠猷誰云八族豪不與四姓儔雍歌登濟濟賓詩詠呦呦
願言乘明時車前令八騶

夢王長公元美

池亭逃夜暑伏枕酣初雨夢游白雲鄉轉入青蓮宇恍見
瑯琊公翻經就朱戶顧予一舉手歡然忘爾汝仍視二少
年摘經寫紺楮回首命章生謂取架間簿指示若啓予分

析讀羅縷慚予闇射覆無能辯竄數頃焉公起立命酒呼
鸚鵡解衣忽袒裼肌肉瑩如瓠異哉二乳上嶙峋成肉羽
右爲桃結實左爲牡丹吐是豈華實茂根莖出丹府須臾
出夢境依然在吾圃朝來若有失濡毫代咸輔

荅徐太史公望

君今持漢節而我已胡服豈不願矯舉丈夫耻再辱山陽
放騏驎雲逶迤鴻鵠野性本難馴安能事輦轂出采商山
芝入憩淇園竹但能餉予口萬事良已足長揖謝君章毋
嫌次都獨

初秋大風紀異

壬午夕旣七大火甫西流薄暮怪風發震撼令人愁誰云
不終朝一吼日夕周雨師佐威虐飛廉肆虐劉盛怒出土
囊噴迅由炎州拔木根無堅飄瓦甃若浮六鵬欲退飛爰
居驗人謀湖海咸不寧倏忽湧陽侯頽垣多碎首斷岸無
完舟萬物本芻狗茲焉竟浮漚休徵兆風若明訓垂箕疇
此咎胡爲來變態生悲颺愧乏葛玄術徒懷窮巷憂

感興

接輿歌鳳衰漁父詠滄浪魯論光簡編楚騷耀篇章玄猿
嘯空山孤鶴鳴高岡疇云焉用文采藻庸何傷

吳大參伯恒督運過吳枉駕作

豐隆殷中林甲拆先陽春誰謂蓬蒿居乃有結駟賓昔爲
專城守今爲岳牧臣建節督王供艤棹三江濱儲務豈不
勞眷言存隱淪衡堂坐移晷頓令契闊親飛伏雖有殊寧
使白首新願言勤光贊萬里皆通津

七言古詩

苦雨謠

辛酉水星犯南土沈竈產蛙萬民苦低田漠漠成陂陀高
田茫茫可搖櫓今年之雨大如昨信宿翻盆勢偏惡莫須
流離似往年雙淚教從雨俱落只道田頭車水入不道田
中車水出未論官做幾分荒且問祈晴在何日

亞父行

春風策蹇過彭城亞父墓前春草生千秋人傑一抔土生
能仇漢死仍楚秦人失鹿誰可當楚人沐猴未足強紛紛
韓陳與布越廻翔擇主俱徬徨鏡幾亞父寧不識五載惟
勤幕中畫不從諸豪輕去就自與君王乞骸骨心知成敗
任雄雌義重君臣罄肝膈嗚呼爲楚爲韓釣此心未許留
侯坐專席

戰齊門

去年戰南沙今年戰齊門操戈渡河河無梁再前再却喧
呼繁鋒刃乍接棄兵走旗鼓紛亂白日昏城中愕顧無人

色賊火四起燒空村虛船飽執綺殺掠猶未已吳人敢怒不敢言賴有此戰又如此脅捐唇亡何足悲橫尸填墮者誰氏乃知以不教民戰是謂棄之而已矣

城上謠

城頭鳴金晝馳驅小吏索錢復夜呼哀號竟夕不得蘇臨高風露侵人膚日高丈五餓強扶妻女送餽不滿盂含羞豈願人前趨東家欲炊米尚無昨日鬻男未受沽今朝被笞容色枯賊未來已如此賊不來也須死日日上城不肯止官府應教剩空壘

太守林公以西山之捷蒙金帛之錫

吳城莽蒼七月寒迴颼扇地迷山巒傳呼倭奴突如至老
提幼挈奔蹢躅探卒馳歸汗揮雨驚言虜黠勢如虎昨來
轉戰南都門萬騎當之似崩土吳會太守今謝安折衝尊
俎何足難激烈登埤仗宏略慨慷矢志平狂瀾戒言絕梁
斷前路先機料敵防昏暮小吏庸人節制違衝圍夜半成
飛渡太守乘船親薄之六軍奮發俱揚眉九龍山前日當
午越來溪畔明旌旗一鼓一進猶倔强再麾再接方奔亡
觸樓爭持凱歌作戰袍血濺生輝光士民歡呼動天地攀
車遮道稱神智駕馭方知儒將才功名不忝專城寄飛蝗
反火何必奇徙魚渡虎皆如斯穹窿山高逼南斗擬君勲

業還應卑廟廊聲華日逾重
天子非常錫恩寵綵幣重
緘內帑來丹書一道燕雲擁
莫訝銅符別造麟還期境土
雙鳴鳳

陳將軍歌

小陳將軍何翩翩英標俠烈凌蒼煙
十年家居老魏尚春風繫馬垂楊前
一朝海上風塵起手握長戈作堅壘
折衝夜戰平沙中克敵晨歸早潮裡
絕技穿楊百中餘寒霜挾纊三千士
誰云飛將獨古人已見飛書動
天子綸音褒美寵命崇旌旗生色
劒氣雄雲臺迥出青雲上會須圖畫
將軍功

濠上劉使君惠金魚百尾歌

濠梁觀魚誰復爾外臺大夫柱下史垂綸不讓磻溪翁把
釣渾疑任公子知予久負臨淵癖百尾遙將慰相憶偶從
龍門重聲價却與江湖借顏色盆池雨餘秋水澄縈紆碧
藻秋光凝大魚洋洋出旋沒小魚澈澈沈復升大夫骨鯁
知名早未許人從碧山老佩金賜緋當有時行看鼓鬣風
雲道君不見朝爲魚服憂豫且暮作鵬搏薄太虛縱使清
朝網䟽闊懸知不漏吞舟魚

劍池行贈郡伯陽曲王公

劍池藏寶劍劍氣日夕浮金精現白虎嘉名標丹丘轆轤

夜汲空山靜牛斗光搖劒池冷千齡不磨三尺光一壑常
涵七星影大夫早擅干將才三十乘鉞吳門來朱明燕賞
劒池上惟吸靈泉當綠醅

金陵醉時歌贈俞元海

朝携洛陽金來買新豐酒對酒悲嶮巇行行斂予手漫逐
江東雲空嗟漢南柳三言毋投杼循墻却驚走仰天大笑
知音稀素琴絕絃不再揮且向飛泉一洗耳還復高岡思
振衣金陵豪士俞元海清風掃榻勞相待須知阮籍眼獨
青却信張儀舌還在傾情倒意良獨難瓊杯綺食不忍餐
暫托萍踪白蘋末會攀挂樹青雲端我今懷刺來都下元

非彈鋏侯門者時或天池化大鵬詎云中阪鳴天馬酌君
酒聽我歌醉來氣岸正飛動明月欲上如君何

送阮將軍入試大司馬

輕裘緩帶杜鎮南儒雅風流庾開府時情自好葉公龍壯
志終成伏波虎阮侯意氣何翩翩用世數奇三十年吳鉤
有聲嫁不售荆玗在璞誰能憐灞陵醉尉休相笑猿臂將
軍猶未老請看楚庭之鳥久不鳴一鳴會須令人驚

送潘樓船入試大司馬

憶昔逢君酌君酒 帝城秋色南郊柳今日追隨向祖筵
胥江新水赤門煙聚散年來似移晷憐君意氣論交始緩

卷之二
帶三吳儒將風長戈六郡良家子我今鍛羽賦歸來看君
欲上黃金臺願言司馬勤推轂會見樓船是異才

黃淳父採茶虎丘投以是詩

春風爭誇陽羨茶花巖靈產清更佳三泉寒烹紫蟹眼數
顆香折黃金芽江夏黃郎負清癖荷筐携瓶手攀摘真採
不讓採瑤芝候灸還同煉琉璃液憐余渴疾熾春明伏枕空
門繁百情何當石上從吸月振翮清風聞鳳笙

分得謝公墩送陸祠邵子傳

憶得秣陵遊振衣登高丘丘中憇落日撫景良悠悠上有
松蘿百餘尺下有琅玕千挺碧臨風懷古問路岐道傍小

兒唱安石君看安石是前身強起還來尋古墩高情再試
東山屐到處應開北海尊

水月吟贈沈道人

我笑紅塵人不識黃鶴樓春秋能幾何日夕縈百憂一朝
市上歎黃犬悔不關下從青牛韶華逐時改霜華不相待
白日西馳可復東黃河何不歸西海君今超悟壺中玄少
年拔脚凌蒼煙三峯采藥欲忘返五嶽尋真不計年昨從
洛陽來又欲天台去輕身因我留藏名向誰語已作煙霞
物外縱還留水月照夫容行當借取葛陂杖期爾同觀秦
五松

送張欽伯出叅浙藩

古人結交重然諾今人面交交態薄歡然相親心不然伐
木空山悵寥廓憶昔鯨波揚海東掃門却延張長公文章
有神交有道杯酒餘歡聊許同一朝釋褐先多士倏忽蛟
騰大鵬起白雲青瑣殊升沈握手談心一終始君今持節
鎮名藩清風一道播新恩漫詫山連吳越近臨岐亦自悵
攀轅

太華謠送陸符卿使秦藩

太華之山近天都蓮池仙掌開蓬壺
樓層削出五千仞芙蓉明星玉女扶
君今驅車事原隰四牡駢駢向雍
邑西去

長安到日邊太華入望相將及
聖主元同西伯仁率由
舊典篤周親名藩重禮誰能事
簡命須知歸重臣張旌搖
搖類仙舉關河千里揚綵綸陸
賈皇華何足數相如繡衣
徒自珍君到秦中發恩詔太
華日月生陽春懷歸若聽秦
臺鳳應憶蕭韶爲舜賓

題杜處士畫奉送廷評經師入京

東原先生先輩賢明窓繹思成
雲煙百年綵筆隨人老一
紙十襲令人傳吾師讀書振
前武妙歲傳經具繩矩敢云
門下作彭宣却喜宗依近鄒
魯一朝釋褐辭承明義陵佐
郡飛清聲仁風會起桃花洞
政績應懸司馬城
天子明

明恩作士僉言郡理宜
廷理應知盛吉善求情
誰云朱博徒剽耳乘風
北征五兩輕恩波浩蕩
秋江平彤廷若結王
生襪述祖應知處士名

題少宰馮師臥雲樓

崢嶸樓閣倚天起
玉鏡金鸞望中峙
暮霞欲落掄湖光
曉日初升動江渚
中有真人臥白雲
手持班管草玄文
百尺松蘿映窻牖
四壁綈綈羅典墳
一旦蒼生起安石
北窻朝掛東山屐
金馬門前開壯顏
玉皇案下通仙籍
賸言桃李在銓衡
猶繫江湖小隱情
春風吹夢二千里
乘月時過江夏城
江夏風煙故如昨
白雲且勿留更鶴
時清儀鳳在虞

廷未許夔龍慰林壑

懷二賢行彭孔加王元美俱臥病作

東海釣鰲王使君玉皇香案謫真人當年失意肆杯酒忽
爾患瘍愁損神城南隱居大彭老矢志幽貞髮俱皓竹牀
臥疴經月餘硯底生塵筆枯槁我懷二賢熱中腸中夜披
衣立傍徨願言造化莫相苦稽首焚香禮藥王

松雲篇贈王明府

梁玉兔園今幾春園邊老松龍作鱗松頭雲來龍欲起此
時著書北窓裡一朝什褐乘風雲玉山出宰天下聞雲臺
高高出雲表孤松挺節君須早君不見漢代循良懸令名

梁王臺榭迷荒草

步月聞吹笙

月白歸南城竹徑聞吹笙十三簧清柳風冷巢和雜奏江
雲平初疑靈王太子朝太清又疑雲和應節歌雙成徘徊
轉聽意轉切淒如沙鴻激響悲孤征旣榮復悴亂商徵流
哀綴怨殊未已瑤寒噓吸或輟音分明杜鵑泣花死誰令
此聲送韶華桃花半落披煙水愁人翔翔步不前向隅掩
涕傷心髓金高南山難買心個中恩怨爲誰深寧知司馬
潯陽淚不是雍門聞鼓琴

懷南園寄陸子行

憶昨五龍之津春水生桃花灼灼然溪明碧窻無塵碧煙
冷與君此地傳瑤觥此時春風滿赤城綠楊萬樹聞春鶯
春風一夜忽銷歇鶯花千里音塵絕絲桐聲斷幽蘭風金
鏡影落梁園雪片心烟烟那得知中林夜半空堂月

和魯望聽彈琵琶歌

青樓柳色報春早珠箔瑤筵覺春好座中美人顏如花手
籠翠袖彈琵琶抑揚按捺最有情臨風一曲散春聲嬌如
花裡語流鶯忽焉發柱轉促急腔轉涼州半淒邑白下經
年別恨消燕山昨日音書及絲中意緒那得知無勞司馬
青衫濕

金閨古意

春水粼粼朝放船春風柳綠高樓前樓中有人似相識垂
首向人長歎息自言少是侯家姬選伎徵歌驕翠眉腰肢
如柔正宜舞步月旋風合金縷雙鬟擁霧搖鳳皇纖手凝
脂捧鸚鵡一朝客散孟嘗門眼前世事成波翻鴛鴦枕上
夜啼血燕子樓頭秋斷魂斷魂啼血空如雨回首行雲已
無主青菱不奈笑紅顏白首羞期共黃土中道無端不自
珍失身猶復嫁商人商人入秦又遊越年年樓上空明月
花邊春色去還來妾處容華坐消歇當年全盛有誰知今
日飄零復恨誰萍踪應逐貞心改不及墳前松柏枝

和姜山人催妝行爲茅文學賦

秦箏羯鼓鳴素秋月華作鏡凝妝樓美人洗妝花不及顰
眉淡掃芙蓉愁嫁得王昌擅騎寵舊愁何似新恩重試向
君前作雨雲應知不羨驂鸞鳳

爲王中丞元美題錢叔寶畫溪山圖

人言避世苦不深我道金門堪陸沈柴桑楊柳莫須有武
陵桃花何處尋君今志在尋山水不必鍾期綠琴裡彷彿
山陰道上行丹青十尺桑皮紙翰林第千雄錢郎六十藏
名猶倔強燈下離書謝千謁花前擊筑歌滄浪感君意氣
爲君作手握禿兔成丘壑漁梁高下引村庄列岫參差出

城郭忽焉瀑布丹崖開宛若噴射生風雷又疑南天水簾
洞移來几案清氛埃長途行役誰者子策蹇衝風不能止
何如老衲振錫遊雁塔龍宮坐移晷海上真人今志安對
此沈吟思挂冠假使當年右軍見講堂豈獨稱奇觀

寄王貢士世廉

結客何必皆少年王生意氣尤翩翩獻壁不售人共憐自
言明經莫我先淪落著書夜不眠漢庭尚老獨遺賢酒酣
慷慨復籌邊拔劍欲舞驚四筵灌孟罵座世稱顛蓋公醒
狂胡不然聊城射書談魯連仰天大笑擬謫仙伯道無兒
問蒼天中郎有女嗣青編邇來習靜懶草玄門辭問奇學

逃禪我欲因君看青蓮一洗塵耳聽潺湲

燕壘歌

金陵美人唱于飛留瓜消息多差池冬藏夏見漫相識春
至秋歸浪相憶何如花底嘶香泥燕壘經營花裡棲已知
王謝今無主那復昭陽妬金縷雲母屏開錦瑟絃水晶簾
下銀箏柱個中獨解留春住且莫呢喃向人語

乞巧篇

七月七日雲漢清家家乞巧惟笑聲巧向人間總成拙人
間乞巧何營營李蔡封侯飛將老紛紛巧拙何須道天定
由來能勝人人謀莫奪天工巧嗟予拙守營鳩巢望斷銀

河虛鵲橋懶向人間論巧拙任教生計落漁樵

燕子磯

千峯拱建業萬壑縈江許江巨爲池石爲城龍虎盤旋帝
王土定鼎卜三千築室狹百堵洪流折地維輿壤開天府
猿猱愁攀援燕子能飛渡輕飛越金湯憑高自來去江上
人傳燕子來梁間不聞燕子語燕子營巢巢已成江上磯
留燕子名當時燕子今何在此地空名自千載無邊白浪
下舟楫不斷青山隔煙靄西廻楚澤氣欲吞東下吳天勢
若奔忽見三山走溟渤還疑九折來崑崙日暮臨江更醺
酒眼前風物搔心覓

賦得岱宗送袁憲副舉望督學山東兼懷陽信丁明

府仲心

泰山何崔嵬峯巒照齊魯夏雲漲白波青天散時雨故人
持節臨山東名高日觀氣吐虹朱丹其戟何足侈文章欲
奪造化功紛紛公卿可屈指世乘文衡者誰氏百粵甘棠
屬大人中原禮樂應歸爾知君不厭外臺臣星列中庭席
上珎盡向龍門乞聲價四時桃李皆陽春君家三公昔長
吏任城理劇蜚聲始况乃橫金爲大夫握中照乘皆明珠
須知行部逢丁令前導毋令負弩驅

蓬萊僊奕歌

蓬萊之山在溟渤方丈瀛洲鼎足立上與蜃氣分有無下
與蛟宮同出沒欲往尋之風引船由來此山與世隔秦王
空見巨魚來漢帝徒觀大人跡何如狂生得神遊六尺生
綃見仙奕僊人對奕誰爲傳能傳仙奕人亦仙仙本無心
爾何苦縱橫局上猶紛然却怪手談談不歇那知坐隱隱
誰邊樵客旁觀亦難老芥柯欲爛無底曉垂楊不彫舞青
鸞紅蓮長芳覆瑤草蟠桃已實桂女攜桃花落地芝童掃
龍陽冷君紫府卿玉皇香案標香名無然興發欲玩世邀
遊赤縣投帝廷三丰張老欣相得傾囊清都心莫逆爲言
蓬萊俱舊遊因之釋思輝綵筆條忽終幻殊景收分明五

城十二樓龍陽隱壁作蟬蛻三丰邂逅從此逝白雲黃鶴
相後先獨留仙跡人間世晴窻展玩開心顏鼎湖龍髯不
用攀我將持爲長命錄身繫青龍扣天關前邀冷君一執
手後呼張老笑拍肩錦囊盛之懸肘後何用十萬矜腰纏
爲王元美題王晉卿煙江疊嶂圖和蘇長公韻

生綃六尺千重山山頭隱約生雲煙倦遊展此忽驚悟恍
復行役心茫然初疑蓬窻夢五老彷彿倒挂匡廬泉又疑
黃河放舟楫順流百折沿長川浮圖巉我綵雲表人家高
下蒼崖前得無蓬山與海嶠凌波別有壺中天王郎丘壑
出毫末丹青金碧相爭妍分明秦源入晉世變幻滄海成

桑田長公愛此作長句紙尾題之元祐年中丞懷賢喜步
武玉環飛燕俱嬋娟枕中抽書納此卷陶然枕石江干眠
東山自足老謝傅北關何勞呼謫仙鳳廷廢歌麟閣盡暫
寄物外成清緣煙巒可攀亦可望豈若宋君惆悵明河篇

黃河高

噫嘻吁危乎高哉黃河之高高於昔頃刻狂瀾二十尺千
里築隄勢絡繹船行木末如登臺俯視城郭轉卑頽清淮
不受全河水海門阨塞何時開昔年呂梁石如戟泥沙擁
覆今無跡嶮巖屈伏不敢伸長川蕩蕩無衝激三老歡言
今失險而我聞之反歎息噫嘻吁危乎高哉黃河之高高

如斯督民築隄亦奚爲隄成水復能過之隄不可恃城可
危嘗聞河水不入江兩淮以南何湯湯大決所犯傷必多
崩崖斷岸不可當人言水連須防川每愁滄海爲桑田我
謂陸海兆民在還恐桑田變成海有言欲陳懼莫採

題蔡山人小像

前年移家已適越今歲乘舟復遊魯白髮遙憐太瘦生半
爲家貧半詩苦千里音容那得聞却於畫裡忽逢君異時
有憶中郎者但向丹青求虎賁

寄蔣比部子微

金陵風高秋萬戶憶昨從君泊江渚憐君抱病歛六翮予

亦參差鍛其羽君今策馬後湖堤
日落紫駟花裡嘶何似
棘闌疲戰藝小窻燈火候鳴雞

懷周公瑕客京師

城西小隱朝入燕五侯筆札生暮煙
閭巷旅食經一年門
車接轂爭後先黃金臺高五雲裡
空使春風走桃李寄語
金閨數知己無令側索長安米

酷暑信宿不能堪思上覆蒼梧之雲
下俯蛾眉之雪
前挺徂徠之松後掛匡廬之泉作四愁詩

我所思兮蒼梧雲峯頭出沒生
飆飆少蔽赤日能救焚美
人邀我湘江麓欲往從之輿脫輻
徬徨自憇中庭竹

我所思兮峨眉雪萬仞清寒更澄澈大火經之不能熱美
人邀我水晶宮欲往從之道難通天無纖雲晝日紅
我所思兮徂徠松翠微百尺蟠蒼龍綠陰半覆青芙蓉美
人邀我過梁父欲往從之乏修羽赤脚安能踏焦土
我所思兮匡廬泉飛流千尺生寒煙火山有焰不敢然美
人邀我讀書處欲往從之怯矯舉非無風來不可御

雲溪引贈劉別駕

君昔翺翔白雲司牛反庶獄朝揚眉今君暫別姑蘇駕還
如白傅潯陽夜由來見妬緣入宮况乃少小顏稱紅宦途
執手何必熱道不在巧乃在拙君不見溪雲出山亦在溪

有時上天捧日月

觴長星

萬曆五載次丁丑季秋之杪孟冬首徙倚中庭覩長星舉
頭勸爾一杯酒初疑妖氛起軫翼又見光芒掃牛斗六街
相呼走黔庶千門支策歎黃耆昔惟開皇之八年十月甲
子星孛天又觀光宅初改元星如半月疑上弦爾迺咸通
與光啓長庚亘空紀前史當時有占亦有驗往事歷歷存
終始皇皇聖祖貽孫謀卜年自合超商周五典旣惇萬
國理數傳奕葉昇平秋天心仁愛豈無以以象示之而已
矣應天以實不以文誰其陳之獨憂杞

賢五賢

扣門有人來自燕口將目擊向我傳一身萬死扶三綱屈
指百寮推五賢海虞毗陵二太史然藜起草瀝肝髓楚江
東浙兩秋官慷慨抗疏披寸丹吉水明經甫釋褐異以忠
誠排紫闥誰云姬武匪明聖扣馬貞猷自難達玉皇案下
列羣仙啓口却得麻姑鞭或挈餘生歸閑閣或持銳戟行
戍邊泰山雖重何足齒萬里投荒亦如此君不見田郎祖
道能贈言不獨嶺表令人死

過飲從兄酒樓

李白酒樓已荒蕪天津橋南何處沽何如兄家城東隅白

雲滌器花當壚種子彈絲學唱歌捧盤獻果長鬚奴黃雞
紫蠚烹滿盃松醪菊醕傾冰壺雕籠珍禽馴且多旣宿復
起驚呼盧金盡其如快意何對酒豈必悲窮途莫言李白
今日無千載上下皆吾徒

張茂實天鹿歌

曾聞聚窟洲遠在西海中地廣三千里北與崑崙通有獸
曰天鹿怪狀將無同麟角蟲鬣羣鳳苞羅背胷疇能象形
誰作礪洪爐變幻見吾銅或云製自掖庭令曷爲能奪造
化工不知何年出汲冢土花秀色偏蒙茸蕭齋日對笑予
癖珍之未許連城易臨摹拭几寒泉噴離枝研珠露華滴

忽逢好古張長君一見便覺怡心神自言邇來得寶研
此孰與爲等倫手持出門不復顧朝來報我捐刀布在彼
在此應不殊楚弓楚得將誰訴吾宗司空號博物千載神
交卽同室試令許品當解願只少精神致魂魄

苦雨吟

肅皇御天四十載江南水災大如海田疇極天成巨浸魚
蝦滿地無人採今年水災甚於昔一雨決旬亘朝夕負郭
雖云無數頃頽垣豈容全四壁曩時歲凶民未貧譬則耆
病加壯人今年民貧歲仍惡何異痼疾嬰羸身嗟哉杞人
獨愁苦但見商羊日鼓舞蒼生漸樂永州蛇赤子將甘泰

山虎比戶門封泥一丸機絲畫虛杆軸殘農家宿逋尚堆
阜豈堪新水成波瀾江南賦役倍中夏日轉月輪苦無暇
寧知厥土惟塗泥不問厥田惟下下兆民此日竭脂膏民
欲籲天天轉高嗚呼天災流行將奚逃誰其恤災濟磬磬
歲杪大雷電明日作雪因感王敬美使君寄示行部

見雪中桃花詩作

萬曆己卯嘉平月北風轉南忽炎熱晨興挾纊尚覺寒傍
午輕衫御單袷須臾雲蒸與霧變驟雨傾盆作雷電朝來
聞霽不移時俄見同雲飛雪霰豫章千里寄書來元旦桃
花雪裏開此日荒園歲將暮復看朔雪繼轟雷玄律既窮

離治泄表沴呈瑞應難裁陶唐大水殷大旱天意無勞祀
人歎陰凝陽奮待燮調伊傳還須慰宵旰

題杜氏靜觀室

子夏小冠別大冠早年獻玉成盤桓晚燒鉛鑿謝干謁彈
琴詠風能廢飡憶昨營營累唇吻邇來漸與羲皇近君不
見右丞高臥輞川庄祇應習靜觀朝槿

邯鄲行

昔從少年遊策馬邯鄲道來時春風吹綠楊轉首霜華變
秋草邯鄲不改酒家移昔日少年今日老滄海桑田幾度
春黃金難駐百年身憑君更向邯鄲問誰是當時夢醒人

三五七言

漫作

款段馬下澤車園葵朝可採溪水夜堪漁但得蘇裝饒陸
賈不須詞賦薦相如